



ქობულეთის მუნიციპალიტეტის საკრებულო

ბ რ ძ ა ნ ე ბ ა №01-19/397

2011 წლის 4 ივლისი
ქ.ქობულეთი

გამარტივებული წესით შესყიდვის პროცედურების დაწყების შესახებ

„შესყიდვების შესახებ“ საქართველოს კანონის 10¹ მუხლის, მე-3 პუნქტის, „ბ“ ქვეპუნქტის, ქობულეთის მუნიციპალიტეტის გამგეობის დებულების მე-7 მუხლის პირველი პუნქტის, „ქ“ ქვეპუნქტის, ქობულეთის მუნიციპალიტეტის საკრებულოს დებულების (რეგლამენტის) 43-ე მუხლის, პირველი პუნქტის, „ს“ ქვეპუნქტის და ქობულეთის მუნიციპალიტეტის გამგეობის 2011 წლის 04 ივლისის №01-41/1324 მომართვის შესაბამისად ვ ბ რ ძ ა ნ ე ბ ა:

1. ქობულეთის მუნიციპალიტეტის საჭიროებისათვის საწვავის სახელმწიფო შესყიდვა განხორციელდეს გამარტივებული შესყიდვის წესით, ზემოაღნიშნული შესყიდვის განხორციელებისათვის საჭირო ვადის დასრულებამდე.
2. ქობულეთის მუნიციპალიტეტის გამგეობის (ა.ყურშუბაძე) მიენიჭოს უფლებამოსილება კანონმდებლობით დადგენილი წესით განახორციელოს გამარტივებული შესყიდვის საშუალებით პროცედურები ქობულეთის მუნიციპალიტეტის საჭიროებისათვის საწვავის შესყიდვის მიზნით.
3. ანგარიში ქობულეთის მუნიციპალიტეტის საჭიროებისათვის საწვავის შესყიდვის მიზნით განხორციელებული პროცედურების შესახებ თანდართული დოკუმენტაციით წარდგენილ იქნას ქობულეთის მუნიციპალიტეტის საკრებულოს თავმჯდომარის წინაშე.
4. ბრძანება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30).
5. ბრძანება ძალაშია ხელმოწერისთანავე.

საკრებულოს თავმჯდომარე

მ. დედნაძე



ნ. ბერაძე

ხელშეკრულება სახელმწიფო შესყიდვის შესახებ №179

ქ. ქობულეთი.

04 ივლისი 2011 წ.

სახელმწიფო შესყიდვის განხორციელების მიზნით, "სახელმწიფო შესყიდვების შესახებ" საქართველოს კანონის (II თავის, მე-10¹ მუხლის, მე-3 პუნქტის "ბ" ქვეპუნქტი) და ქობულეთის მუნიციპალიტეტის საკრებულოს 2011 წლის 04 ივლისის №01-19/397 ბრძანების შესაბამისად, ერთი მხრივ ქობულეთის მუნიციპალიტეტი, ქობულეთის მუნიციპალიტეტის საკრებულოს თავმჯდომარის ნიკო ბერაძის სახით (ქ. ქობულეთი, დავით აღმაშენებლის გამზირი №141) (შემდგომში "შემსყიდველი") და ს.ს. "ვისოლ პეტროლიუმ ჯორჯია" (ქ. თბილისი, ი. ჭავჭავაძის გამზ. №74ბ) გენერალური დირექტორის ვასილ ხორავას სახით (შემდგომში "მიმწოდებელი"), ედებთ ხელშეკრულებას "სახელმწიფო შესყიდვის შესახებ" შემდეგზე:

I. ხელშეკრულების საგანი და ობიექტი

1.1. წინამდებარე ხელშეკრულების საფუძველზე "მიმწოდებელი" თანახმაა მიაწოდოს "შემსყიდველს" ქობულეთის მუნიციპალიტეტის საჭიროებისათვის საავეტომობილო საწვავი (შემდგომში "საქონელი") კერძოდ: ბენზინი "ვერო-რეგულარი" 6590 (ექვსიათას ხუთას ოთხმოცდაათი) ლიტრი და დიზელი "დიზელი ენერჯი" 860 (რვაასსამოცი) ლიტრი, მ.შ.

- ქობულეთის მუნიციპალიტეტის საკრებულო 1250 (ერთიათას ორას ორმოცდაათი) ლიტრი ბენზინი – ღირებულებით 2687.5 (ორიათას ექვსასოთხმოცდაშვიდი) ლარი და 50 თეთრი, დიზელი 50 (ორმოცდაათი) ლიტრი – ღირებულებით 110 (ასათი) ლარი;
- საკრებულოს მიწაზე აღიარების კომისიის საჭიროებისათვის 180 (ასოთხმოცი) ლიტრი ბენზინი – ღირებულებით 387 (სამასოთხმოცდაშვიდი) ლარი;
- ქობულეთის მუნიციპალიტეტის გამგეობის ადმინისტრაციული სამსახური 1470 (ათას ოთხას სამოცდაათი) ლიტრი ბენზინი – ღირებულებით 3160.5 (სამიათას ასსამოცი) ლარი და 50 (ორმოცდაათი) თეთრი, 280 (ორასოთხმოცი) ლიტრი დიზელი – ღირებულებით 616 (ექვსათექვსმეტი) ლარი;
- ტერიტორიული ორგანო 1400 (ერთიათას ოთხასი) ლიტრი ბენზინი – ღირებულებით 3010 (სამიათას ათი) ლარი;
- საფინანსო სამსახური 90 (ოთხმოცდაათი) ლიტრი ბენზინი – ღირებულებით 193.5 (ასოთხმოცდაცამეტი) ლარი და 50 (ორმოცდაათი) თეთრი;
- ქონების მართვის და აგარაუღ საკითხთა სამსახური 80 (ოთხმოცი) ლიტრი ბენზინი – ღირებულებით 172 (ასსამოცდათორმეტი) ლარი.
- ქობულეთის მუნიციპალიტეტის გამგეობის ეკონომიკის, ინფრასტრუქტურის და საინვესტიციო განვითარების სამსახური 180 (ასოთხმოცი) ლიტრი ბენზინი – ღირებულებით 387 (სამასოთხმოცდაშვიდი) ლარი;
- ზედამხედველობის სამსახური 220 (ორასოცი) ლიტრი დიზელი – ღირებულებით 484 (ოთხასოთხმოცდაოთხი) ლარი,
- არქიტექტურული და სივრცითი მოწყობის სამსახური 90 (ოთხმოცდაათი) ლიტრი ბენზინი – ღირებულებით 193.5 (ასოთხმოცდაცამეტი) ლარი და 50 (ორმოცდაათი) თეთრი;
- ხარძარსაწინააღმდეგო სამსახური 1610 (ერთიათას ექვსას ათი) ლიტრი ბენზინი – ღირებულებით 3461.5 (სამიათას ოთხას სამოცდაერთი) ლარი და 50 (ორმოცდაათი) თეთრი;
- სამხედრო აღრიცხვის, გაწვევისა და მობილიზაციის სამსახური 140 (ასოთხმოცი) ლიტრი ბენზინი – ღირებულებით 301 (სამასერთი) ლარი;
- საქართველოს პარლამენტის წევრის ბიუროს საჭიროებისათვის 310 (სამასათი) ლიტრი დიზელი – ღირებულებით 682 (ექვსასოთხმოცდაორი) ლარი.
- ქობულეთის მუნიციპალიტეტის გამგეობის იურიდიული სამსახური 100 (ასი) ლიტრი ბენზინი – ღირებულებით 215 (ორასოთხმოცდახუთი) ლარი.

1.2. საქონლის მიწოდება ვადაა ხელშეკრულების გაფორმებიდან 1 (ერთი) სამუშაო დღე.

II. საქონლის ფასი და ხელშეკრულების ღირებულება

2.1. მთლიანი სახელშეკრულებო ღირებულება შეადგენს 16060.5 (თექვსმეტიათას სამოცი) ლარი და 50 (ორმოცდაათი) თეთრი, რაც შეიცავს დ.ღ.გ.-ს, აგრეთვე საწვავის მიწოდებასთან დაკავშირებულ ყველა თანმდევ ხარჯს, მათ შორის საწვავის შენახვის ხარჯებს ავტოგასამართ სადგურებიდან მის გაცემამდე. ერთი ლიტრი ბენზინის "ვერო რეგულარი"-ს მარკის ფასი შეადგენს 2 (ორი) ლარსა და 15 (თუთხმეტი) თეთრს, ხოლო ერთი ლიტრი ლიზელის „დიზელ ენერჯი“-ს მარკის ფასი შეადგენს 2 (ორი) ლარსა და 20 (ოცი) თეთრს.

III. შესყიდვის ობიექტის ხარისხი

3.1 შესყიდვის ობიექტის ხარისხობრივი მანკებულები უნდა შეესაბამებოდეს საქართველოში მოქმედ ნორმებს.

IV. შესყიდვის ობიექტი მიწოდების პირობები

4.1 შესყიდვის ობიექტის მიწოდებას მიმწოდებელი უზრუნველყოფს ტალონური სისტემით, მიმწოდებლის ავტოგასამართ სადგურების ქსელის მეშვეობით.
4.2 საწვავის ტალონების შემსყიდველისათვის გადაცემა განხორციელდება ერთჯერადად, ხელშეკრულების ხელმოწერიდან 1 (ერთ) დღეში, შემსყიდველის მოთხოვნის შესაბამისად.
4.3 საწვავის ტალონების პარტიას უნდა ახლდეს სპეციალური საგადასახადო ანგარიშ-ფაქტურა.

V. შესყიდვის ობიექტის მიღება-ჩაბარების წესი

5.1 შემსყიდველის ან მისი უფლებამოსილი წარმომადგენლის შეკვეთიდან არაუმეტეს 4 (ოთხი) სამუშაო დღის ვადაში მიმწოდებელი ვალდებულია დაამზადოს და მიღება-ჩაბარების აქტის საფუძველზე გადასცეს შემსყიდველს (სპეციალური მინდობილობით აღჭურვილ პირს) მოთხოვნილი რაოდენობის საწვავის ტალონები ლიტრობრივ ერთეულებში (10 და 20 ლიტრიანი ტალონის ნომინალებით). ტალონების გადაცემის შემდეგ მათი დაკარგვის, დაზიანების ან განადგურების რისკი გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის საწვავის ტალონებზე გადაცვლას. ყოველ ტალონზე კომპოსტერის მეშვეობით წერტილოვანი ნახევრეტებით ამოტვიფრული უნდა იყოს ინგლისური ასო **W**, ტალონზე ასევე აღნიშნული უნდა იყოს:

- მიმწოდებლის დოგო წარწერით „ვისოლი“;
- ტალონის ნომერი;
- საწვავის სახეობა;
- საწვავის რაოდენობა.

შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონიერულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მოუთხოვს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და საწვავის გაცემა, დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას).

5.2 საწვავის გაცემა წარმოებს შემსყიდველის მიერ დამოწმებული ტალონების საფუძველზე, რისთვისაც შემსყიდველმა ტალონის უკანა მხარეზე უნდა დასვათ თავისი ბეჭედი. დაუმოწმებელ ტალონზე საწვავი მის დამოწმებამდე არ გაიცემა.

5.3 მიმწოდებელი ვალდებულია შემსყიდველის კუთვნილი და სათანადო წესით დამოწმებული ტალონის ავტოგასამართ სადგურზე წარმოდგენისთანავე ჩამართოს აპოზიტი, რაც

წარმოდგენა. ტაღონებზე საწვავის გაცემისას ტაღონის ნაწილობრივი განადგურება ან/და ხურდის დაბრუნება არ დაიშვება.

5.5 საქონელის მიღება-ჩაბარებას მაჟორიტარი დეპუტატის ბიუროს საჭიროებისათვის და მუნიციპალიტეტის გამგეობის საჭიროებისათვის ახორციელებს ქობულეთის მუნიციპალიტეტის გამგეობის ადმინისტრაციული სამსახურის მატერიალურ-ტექნიკური განყოფილების უფროსი ზვიად ზოიძე, ხოლო საკრებულოს აპარატის საჭიროებისათვის და მიწაზე აღიარების კომისიის საჭიროებისათვის – ქობულეთის მუნიციპალიტეტის საკრებულოს აპარატის მთავარი სპეციალისტი მატერიალურ-ტექნიკური უზრუნველყოფის საკითხებში იამზე პაპუნაიშვილი.

VI. ანგარიშსწორების ფორმა, გრაფიკი (ვადები) და ადგილი

6.1 “შემსყიდველი” ანგარიშსწორებას განახორციელებს “მიმწოდებლის” მიერ ფაქტურად მიწოდებულ საქონელზე მიღება-ჩაბარების აქტისა და სპეციალური საგადასახადო ანგარიშ-ფაქტურის წარმოდგენის შემდეგ 1 (ერთი) საბანკო დღის განმავლობაში;

6.2 ანგარიშსწორება განხორციელდება უნაღდო ანგარიშსწორების წესით;

6.3 ანგარიშსწორება განხორციელდება ღარბში.

VII. მხარეთა უფლება-მოვალეობანი

7.1 შემსყიდველს უფლება აქვს:

- შეამოწმოს მიწოდებული საწვავის შესაბამისობა ხელშეკრულებით გათვალისწინებულ პირობებთან;

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

- უარი თქვას უხარისხო საწვავის მიღებაზე.

7.2 შემსყიდველი ვალდებულია:

- წერილობით აცნობოს მიმწოდებელს საწვავის მიწოდებასთან დაკავშირებული ყველა განსაკუთრებული გარემოების შესახებ;

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- დაიცვას ხელშეკრულების სხვა პირობები.

7.3 მიმწოდებელს უფლება აქვს:

- მოსთხოვოს შემსყიდველს მიწოდებული საწვავის ღირებულების ანაზღაურება ხელშეკრულებით გათვალისწინებული პირობებით;

- დროებით (არაუმეტეს 1,5 საათისა) შეაჩეროს საწვავის გაცემა ამა თუ იმ ავტოგასამართ სადგურზე საწვავის მიღების დროს და მიღების შემდეგ, რათა უზრუნველყოფილ იქნას პერსონალის და მომხმარებლების უსაფრთხოება და საწვავის სათანადო ხარისხი;

7.4 მიმწოდებელი ვალდებულია:

- გადასცეს შემსყიდველს საწვავის მიღებისათვის საჭირო ტაღონების რაოდენობა;

- გააფრთხილოს შემსყიდველი საწვავის მიწოდების პროცესში შეფერხების შესახებ;

- დაიცვას ხელშეკრულებით გათვალისწინებული ყველა პირობა.

VIII. მხარეთა პასუხისმგებლობა ხელშეკრულების დარღვევისას

8.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულებების შეუსრულებლობისთვის მის მიერ დამატებით განსაზღვრული ვადის უშუალოდ გასვლის შემდეგ. თუ ვალდებულებების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

8.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

8.4 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები.

8.5 შემსყიდველი უფლებამოსილია საწვავის მიწოდების ვადის გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ დღეზე დროულად მიუწოდებელი საწვავის ღირებულების 0.1 პროცენტის ოდენობით.

8.6 გადახდის ვადის გადაცილების შემთხვევაში, მიმწოდებელი უფლებამოსილია დააკისროს თანხის 0.1 პროცენტის ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

8.7 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 პროცენტს, მეორე მხარეს უფლება აქვს შეწყვიტოს ხელშეკრულება.

IX. ხელშეკრულების მოქმედების ვადა

9.1 ხელშეკრულება ძალაში შედის მხარეთა მიერ მისი ხელმოწერისთანავე და წყვეტს მოქმედებას მხარეთა შორის ნაკისრი ვალდებულებების შესრულებისთანავე.

X. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულება ფასების ცვლილების მექანიზმს არ ითვალისწინებს.

XI. ფორს-მაჟორი

11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით გარემოებათა დასარულების შემდეგ.

11.2 თუ სახელშეკრულებო ვალდებულების მოთხოვნი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

11.3 მხარე, რომელსაც შეექმნა ფორს-მაჟორი გარემოება, დაუყოვნებლივ აცნობებს მეორე მხარეს ამის შესახებ.

XII. დავები და მათი გადაწყვეტის წესი

12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

XIII. ხელშეკრულების შესრულების კონტროლი

13.1 ხელშეკრულებით გათვალისწინებული პირობების შესრულების ინსპექტირებას ახდენს ქობულეთის მუნიციპალიტეტის გამგეობის ადმინისტრაციული სამსახურის მატერიალურ-ტექნიკური განყოფილების უფროსი ზვიად ზოიძე და ქობულეთის მუნიციპალიტეტის საკრებულოს აპარატის მთავარი სპეციალისტი მატერიალურ-ტექნიკური უზრუნველყოფის საკითხებში იამზე პაპუნაიშვილი. მიმწოდებელი ვალდებულია ყოველგვარი დაბრკოლებისა და შეზღუდვების გარეშე უზრუნველყოს ინსპექტირების განხორციელება. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

XIV. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებით და რისკით.

14.3 ხელშეკრულება შედგენილია ქართულ ენაზე ხუთ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ოთხი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია შესული მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

XV. "შემსყიდველი"-ს იურიდიული მისამართი და რეკვიზიტები

15.1 "შემსყიდველი"-ს მისამართი: ქ. ქობულეთი, დავით აღმაშენებლის გამზირი №141;

15.2 "შემსყიდველი"-ს საბანკო რეკვიზიტები: ს.ს. "ლიბერთი ბანკი", ბანკის კოდი LBRTGE22, ა/ა GE56LBO120113125552000, საიდენტიფიკაციო კოდი 247001890;

15.3 "შემსყიდველი" – ქობულეთის მუნიციპალიტეტი

XVI. "მიმწოდებელი"-ს იურიდიული მისამართი და რეკვიზიტები

16.1 "მიმწოდებელი"-ს მისამართი: ქ. თბილისი, ჭავჭავაძის გამზირი №74ბ;

16.2. "მიმწოდებელი"-ს საბანკო რეკვიზიტები: ს.ს. "თი-ბი-სი ბანკი"-ს მარჯანიშვილის ფილიალი, ბანკის კოდი TBCBGE22, ა/ა GE48TB1100000018467453, საიდენ. კოდი 202161098

16.3. "მიმწოდებელი" – ს.ს. "ვისოლ პეტროლიუმ ჯორჯია"

"შემსყიდველი" – ქობულეთის მუნიციპალიტეტი,

ქობულეთის მუნიციპალიტეტის საკრებულოს თავმჯდომარე



"მიმწოდებელი" – ს.ს. "ვისოლ პეტროლიუმ ჯორჯია"

გენერალური დირექტორი



ვისოლ ხორავა